



Selamat Datang
Ke Laman Portal
Universiti Putra Malaysia

Selasa, Ogos 02, 2016

MENGENAI KAMI

PENYELIDIKAN

AKADEMIK

JARINGAN

ANTARABANGSA

KEHIDUPAN KAMPUS

PERKHIDMATAN

EN | RU | AR

BERITA »

Pusat Alumni UPM anjur siri syarahan “Pak Rashid the Che’gu”



Oleh: Shafini Raisha

Foto: Noor Azreen Awang

SERDANG, 25 Julai – Pusat Alumni, Universiti Putra Malaysia (UPM) menganjurkan Siri Syarahan Yayasan Pak Rashid “Pak Rashid the Che’gu” bagi mengiktirafkan peranan alumni dalam melonjakkan UPM dan mengeratkan hubungan strategik antara alumni dan alma mater.

Naib Canselor UPM, Prof Datin Paduka Dr Aini Ideris berkata UPM sedar bahawa kecemerlangan sesebuah universiti akan lebih mantap dan lebih tinggi martabatnya dengan sokongan aktif alumninya yang merupakan aset intelektual universiti.

“Ini telah dibuktikan oleh universiti-universiti terkemuka dunia,” katanya dalam ucapan alu-aluan pada majlis itu.

Katanya, Yayasan Pak Rashid juga menjalinkan perkongsian strategik dengan alumni dan badan-badan korporat untuk mencapai dan mengekalkan kecemerlangan pendidikan tinggi dan perkhidmatan profesional.

Beliau berharap tradisi dermawan itu akan diperkasakan, untuk memastikan UPM terus cemerlang.

“UPM amat menghargai alumni dan rakan-rakan yang sentiasa mengingati UPM sebagai alma mater mereka. Sumbangan anda amat bermakna. Kami berbesar hati menerima sumbangan anda bagi membantu merealisasikan objektif Yayasan Pak Rashid”, katanya.



Syarahan Yayasan Pak Rashid itu disampaikan Ahli Lembaga Pemegang Amanah Yayasan Pak Rashid, Tan Sri Dr. Mohd. Noor Ismail, yang juga Alumni UPM Kelas 1955 dan anak didik Allahyarham Pak Rashid.

Juga diadakan perkongsian pengalaman penonton, ahli keluarga dan kenalan Pak Rashid.

Yayasan yang diilhamkan sempena nama Pak Rashid ini merupakan cetusan idea rakan-rakan, dan alumni yang mengenali serta sentiasa mengingati beliau sebagai seorang guru yang cemerlang.

Pak Rashid atau nama sebenarnya Mohd Rashid Ahmad sentiasa menekankan keseimbangan penyampaian ilmu pengetahuan dan pembentukan sahsiah pelajar. Yayasan Pak Rashid dilancarkan pada tahun 2000. - UPM

RSS | Dasar Privasi | Dasar Keselamatan | Penafian | Notis Hakcipta | Peta Laman | Bantuan| Jumlah Pelawat :
Paparan terbaik menggunakan Internet Explorer, Safari, Firefox, Google Chrome dengan resolusi 800 x 600 dan 1024 x 768 (S1)

@2013 Universiti Putra Malaysia
Kemaskini Terakhir : 01 Aug 2016

